

Wees Anders...

SUIDER-PAARL GEMEENTE

...Want *Jesus* is Anders...

Welkom by ons aanlyndiens. Dankie dat jy inskakel.

**6de Sondag van Koninkrykstyf
4 Julie 2021**

Markus 6:1-13
Dr. André Kilian

Ons aanlyn dienste kan gevolg word op ons webtuiste, Youtube-kanaal of Facebook-blad. Ons deel ook weekliks via WhatsApp skakels na ons aanlynbediening. Kontak asseblief die kerkkantoor telefonies by 021 863 2700 indien u nog nie deel is van ons WhatsApp groep nie.



Baie welkom aan almal wat nuut in die omgewing ingetrek het, en ook aan enigiemand wat vir die eerste keer by ons aanlyndiens inskakel.

Indien jy meer inligting oor Suider-Paarl gemeente benodig of 'n lidmaat wil word, besoek gerus ons webtuiste of stuur 'n e-pos na admin@suiderpaarl.co.za.



Die Here stuur ons uit.
Hy stuur ons wêreldwyd
om wonde te genees,
getuies te kan wees.
'n Engel stuur Hy nie –
Hy stuur vir jou en my
om vrede uit te dra,
wat mense kan bevry.
Hy stuur ons na die pyn.
Hy vorm ons deur sy Gees
om elke dag al meer
soos Jesus te kan wees.
(uit Vonkk 111)

ASEM OOMBLIKKE - WEEKLIKSE STEMBOODSKAPPE DEUR LERAARS OP JOU SELFOON

Kyk uit vir die stembodskappe van ons leraars wat Woensdagoggende per WhatsApp gestuur word op ons gemeente groepe.

KERKKANTOOR

Die kerkkantoor is steeds oop en ons predikante beskikbaar. Ons nooi jou uit om ons te kontak as daar nood van enige aard is.

DOOP

Vanweë vlak-4 inperking het ons nou ongelukkig geen doopgeleenthede nie.

KERKBODE

Die Kerkbode is 'n interessante bron van die jongste kerknuus, artikels en rubrieke. Lees gerus hierdie en baie meer by: <https://kerkbode.christians.co.za/>



AANLYN WEGNEEMETE: 30 JUNIE 2021

Baie dankie aan elkeen wat ons aanlyn-wegneemete ondersteun het, hetsy met 'n kontant bydrae, bestelling of voorbereidings. Ons bedank ook graag die komitee wat so hard gewerk het om onder uitdagende omstandighede hierdie fondsinsameling moontlik te maak.

Ons het 'n stewige bedrag van R19,500 ingesamel met hierdie poging.

COVID-19 HULP

Suider-Paarl Gemeente het 'n kontakpunt op die webblad geskep vir lidmate wat Covid-19 hulp benodig.

Volg hierdie skakel om vertroulik met ons kontak te maak:


<https://suiderpaarl.co.za/covid-19-hulp/>



PERSONEEL

Ons is baie opgewonde om vir Gavin Watson te verwelkom in ons personeel-span. Hy is 'n klank- en digitale ekspert en het jarelange ondervinding, ook met kerke en hulle aanlynbehoefes.

Die Gemeenteraad se visie is dat hy ons digitale bediening verder gaan uitbou nadat Vicus ons gehelp het om dit te vestig die afgelope jaar en 'n half (dankie, SlickVic!).



INENTING, JA OF NEE

Baie mense vra die afgelope tyd: Moet ek ingeënt word? Wat is die regte ding om te doen? Hoe weet ek as gelowige hoe ek moet optree? Die kerk moet asseblief leiding gee! Daar is mense tussen ons wat na weerskante toe glo: die een uiterste is mense wat glo die inenting is van die bouse. Aan die ander kant is daar mense wat sonder om twee keer (of hoegenaamd) te dink vir die inentings gaan.

Die Gemeenteraad het 'n paar beginsels, wat ons as gemeente dink belangrik is, op ons webblad gepubliseer. U kan dit gerus gaan lees.

NISSE

Blompotjies vir die nisse is beskikbaar by die kerkkantoor teen R150 elk. Navrae kan gerig word aan Madeleine Fourie.

Lidmate moet asb. kennis neem dat ander items nie aan die nisse geheg mag word nie.

Aankoop van 'n dubbele nis by die kerkkantoor teen R4,080.

ONS GEE WANT GOD HET EERSTE GEGEE

Dankie dat jy as rentmeester erns met jou offervaardigheid maak. Jy kan jou dankoffers op die volgende maniere gee:

- Tydens kerkkantoor-ure by die kerkkantoor.
- Elektroniese betaling:
NGK Suider-Paarl
ABSA Tak: 632 005
Tjekrekening:
740 580 132
- Per debietorder (reël met die kerkkantoor)
- Via Snapscan



POPIA (WET OP BESKERMING VAN PERSOONLIKE INLIGTING)

Die POPIA Wet (Wet Op Beskerming van Persoonlike Inligting, No 4, 2013) het op 1 Julie 2020 in werking getree en instansies het 12 maande tyd om aan die wetsvereistes te voldoen. POPIA stel streng vereistes vir die insameling, gebruik, berging en vernietiging van persoonlike inligting. Madeleine Fourie is as Suider-Paarl gemeente se Inligtingsbeampte aangestel om toe te sien dat daar aan die eise van die wet voldoen word. Johan

Geldenduys is die Gemeenteraadslid wat oorhoofs toesig hou.

Doel van die wet: Dit reguleer en bevorder die beskerming van persoonlike inligting wat deur openbare en privaat liggame verkry, gebruik en geberg word. Die verwerking van persoonlike inligting deur openbare en privaat liggame moet op so 'n wyse geskied dat dit gevolg gee aan die reg op privaatheid onderhewig aan regverdigbare beperkings wat daarop gemik is om ander regte en belangrike belange te beskerm. Die Wet verbied niemand om enige persoonlike inligting in te samel en daarmee te handel nie, maar skryf net die regmatige handeling voor om persone te beskerm.

Suider-Paarl kerkkantoor het persoonlike inligting van ons lidmate en ons hanteer dit met die nodige sorg en integriteit. Hierdie inligting sluit in, maar is nie beperk nie tot, u:

- Volle naam en van
- Identiteitsnommer
- Geboortedatum / ouderdom
- Telefoonnommers
- E-pos adres
- Fisiese adres
- Geslag
- Huwelikstatus en familie-
verwantskappe
- Godsdienstige oortuiging

Ons wil u verseker dat ons deurentyd alle persoonlike inligting en kontak besonderhede met die strengste vertroulikheid en omsigtigheid hanteer.

As u wil weet watter persoonlike inligting Suider-Paarl Gemeente van u het, kan u op www.winkerkonline.co.za se webblad registreer. Op die "menu bar", langs die woord 'login', is 'n

registreer opsie. Kies die opsie en voltooi die vorm waarna u 'n e-pos sal ontvang vanaf Winkerk. Volg dan die instruksies op die e-pos. Suider-Paarl sal u lidmaat versoek aanvaar. U sal dan u eie besonderhede kan sien en nagaan op die webblad van Winkerk deur aan te teken met u eie e-posadres en wagwoord.

LOVEMYVALLEY KOMBERS-PROJEK

LOVEMYVALLEY is 'n gemeenskapsaksie van omgee (in die Paarl) wat aan die begin van 2021 deur VALCARE geloods is. Die insameling van komberse gedurende die tweede kwartaal was die tweede projek van LOVEMYVALLEY.

1,678 komberse is ingesamel en gaan deur Jak127, Helplift, ACVV-Paarl en Inceba Trust versprei word.

Suider-Paarl Gemeente se kerkkantoor het as een van die afsetpunte gedien. Namens VALCARE en Jak127, bedank ons graag ons lidmate wat bygedra het tot hierdie mooi getal.

HARTLIK GELUK AAN ONS LIDMATE WAT HIERDIE WEEK VERJAAR!

Daryn Fox, Suné Joubert
Eurik Kirsten, Ilse Kriel
Milla Louw, Quintin Moodie
Fiella Pienaar, Dawid Pieterse
Garrett de Villiers, Tannith du Preez
Ulrich Enslin, Wynand Greeff
Joshua Kirsten, Kayla Kirsten
Cecilia Pfister, Karmia Stander
Casey van der Walt, Juanita Visser
Michael Hendrikcs, Benita Joubert

Marionette Marais, Waikie de Lewis
Christine Hunkerman, Louis Koen
Hanlie Matthee, Aletta Botha
Lija Botha, Erin Morkel
Coco Ruiters, Maritza van Zyl
Johann Weirich, Dehan Breet
Philip Collins, Reinette Louw
Phia Pieters, Nico de Lange
Olivia Jordaan, Cindy Rautenbach
Jeandré Thiart, Ilse van Zyl
Sonja Viljoen

